

**UPERNAVIMMI NAJUKKAMI ATAATSIMIITITALIAP
ILEQUUSUMIK ATAATSIMIINNERA
PINGASUNNGORNEQ ULLOQ 11. FEBRUAR 2026 NAL. 13.00**

Peqataasut: Lars Petersen, Siulittaasoq

Hartmann Heilmann, ilaasortaq
Julie Karlsen, ilaasortaq
Ane Marie Havmøller-Jørgensen, ilaasortaq

Peqataanngitsut: Pele Kleemann, Siulittaasup tullia

Pisortaq/imaqarniliortoq: Borgerforvaltningsleder Ane Marie Jørgensen
Ataatsimiiffik: Ataatsimiittarfik

Immikkut peqataasut:

Nutserisut:
Ingerlannera: Ammasoq

NA	QULEQUTAQ	BILAG
	Ilisimatitsissutit	1-2-3-4-5-6-7-8
UPVNA 2026-02	Iliveqarfiup saqqaani tummeqqiisinnaaneq	9-10-11
UPVNA 2026-03	Umiarsualivimmi qulliit	12-13
UPVNA 2026-04	Nipilersortartunik avataaniik tikisitsinissamik	14
UPVNA 2026-05	Nipilersortartup Enok Poulsenip tikisinnissaa	15
UPVNA 2026-06	Nunaqqatigiittut susassareqatigiinnerup ukiua	16

Aaliangiineq:

**Taamatut isikkoqartillugit akuerineqarput.
Oqarasuaatikkut Hartmann Heilmann peqataavoq.
Pele Kleemann peqqutilimmik peqataanngilaq.**

Ilisimatitsissutit:

Bilag 1 – Killiffik 2026

Bilag 2 – Ukioq 2026-imut aningaasat agguataarneri

Najukkami Ataatsimiititaliami Siulittaasoq Lars Petersen aamma ilaasortaq Julie Karlsen arfininngorneq ulloq 24. Januar 2026 Kulturnatsimi peqataapput. Innuttaasut soqutiginnillutik 100 sinnerlugit pulaartuupput, taakkunani innuttaasut pingasut siunnersuutininik tunniussaqaqsimapput.

Ulloq 27. Januar 2026 Kommunalbestyrelsip aamma sumiiffinni sinniisut (Kredsmandater) akornanni suleqatigiinnissamik isumaqatigiissut Kommunalbestyrelsemit ulloq 12. September 2025 aaliangerneqarsimasup, suloriusissaq pillugu Ilulissani Allattoqarfiup pisortaanit saqqummiunneqarpoq, tassunga tunngatillugu Najukkami Ataatsimiititaliap Siulittaasua aggersarneqarluni peqataavoq. Siunissami piffinni Kommunalbestyrelsemit sinniisuutitat innuttaasunut taamatullu Najukkami Ataatsimiititaliamut qaninnerusumik attaveqatigiinnerunissaq anguniarneqarluni. Suleriusissiarli naammassineqarpat kingusinnerusukkut qanoq ingerlariuseqarnissaq inissinneqarpat saqqummiunneqarumaarpoq.

Upernavimmi Sanaartukkanut Aningaasaliissutit Agguarneqarnerinut Suleqatigiisitaliap (Byggeudvalg), ataatsimiinnerani ulloq 24. oktober 2025, sanaartugassanut ukiuni sisamanut pingaarnersiuisoqarluni tullerriaarisooqarnerani Najukkami Ataatsimiititaliami Siulittaasup tulliaata peqataaffigisimasaanut tunngatillugu, matumuuna ukiunut sisamanut sanaartugassanut aningaasaliinermi missingersuusiat Kommunalbestyrelse ataatsimiinnerani ulloq 19. december 2025-imi (punkt 125) malillugu, ukiunut sisamanut suut aningaasalerneqarnissaannut missingersorneqarnerat ilisimatitsissutitut ingerlateqqinneqarput. Ukiulli ingerlanerani sanaartugassanut missingersuusiat allannguuteqaratarsinnaasarput, taakkuli pissapput piffimmi byggeudvalgereermermi kingornatigullu Kommunalbestyrelsemit aaliangerneqarnerisigut.

Siunnersuut tiguneqarsimasooq ulloq 24. Januar 2026, “*Peqatigiiffimmik aallartitserusunneq*”, Najukkami Ataatsimiititaliap Siulittaasup innersuussineratigut oqaluuserisassanut ilanngunneqanngitsoq ilisimatitsissutigineqarpoq, kisiannili siunnersuutigineqartoq susassaqtunut ingerlateqqinneqartoq siunnersuusiortumut ilisimatitsissutigineqassaaq.

Najukkami Ataatsimiititaliamut ulloq 3. December 2025 siunnersuutigineqarnikuuvoq suliffeqarfinnut pinaveersaartitsineq siunertaralugu illoqarfimmi tammaannartoqartarmat “*webcamera*”-lersortoqassasoq, siunnersuut illoqarfinni webcameralersuisinnaanermi pisinnaatitaaffiit pillugit susassaqtunut tusarniutigineqarmat oqaluuserisassanut suli inissinneqanngikkallartoq ilisimatitsissutigineqarpoq.

Bilag 3 – Præsentation – kredsmandat

Bilag 4 – Ataatsimiinnissamut aggersaassut

Bilag 5 – KOM 17 REFERAT KAL Punkt 125

Bilag 6 – Anlægsbudget 20.01.2026

Bilag 7 – Jens Grim – Peqatigiiffimmik aallartitserusunneq

Bilag 8 – Julie Karlsen - Webcamera

Aaliangiineq:

Tusaatissatut tiguneqarput.

Sag nr.	Sammisag	Bilag nr.	9-10-11
UPVNA 2026-02	Iliveqarfiup saqqaani tummeqqiisinnaaneq	Journal nr.	01.03.49

Uteqqiineq:

Sikusaleraangat saqqaarsuup nuua sikkorluttarmat sikumukarniartut iliveqarfiup saqqa-tungaatioorlutik sivingasukkut apisimatillugu ulorianarluni pikkarliornarsinnaasarmat tummeqqiortoqarnissaanik siunnersuusiortoqarpoq. Aningaasanik taggiisoqanngilaq, Najukkami Ataatsimiititaliaq siunnersuummut isummissaaq, akuerineqarpat nunaminertamik qinnuteqartoqassaaq, nunaminertamut akuersissut tiguneqarpat sananeqarnissaanut akimik aallertoqassaaq.

Suliap saqqummiunnera:

Iliveqarfiup saqqaani tummeqqiiniissaq, atuisut allat eqqarsaatigalugit qimussit ikersuarmut qassusiartartut sikuunerani nuua sikkorluleraangat sikuungaluartoq aqqutissaaruttaramik. Apisimatillugu qummut ammallu ingerlaviginiartarnera pisuinaallu tassuunaartariaqartarmata pikkarliornartarmat tummeqqiortoqarnissaanik siunnersuuteqarpoq.

Iluarsiinissamut siunnersuut – sammisanut tunngatillugu nalilersuineq

Ukiuunerani qassusiartartut sikumukartartulluunniit iliveqarfimmiik ikersuup tungaanut aqqaasartoq sivinngarissuuvoq, taamaammallu siunnersuuteqartup allanerartut pisuinnarnut apisarnerani pikkarliornarsinnaalluni ulorianarsinnaasarpog. Kommuneplan (Kommuneplan) malillugu sanaartukkanut annertunngitsunut sanaartortoqarsinnaavoq. Siunnersuut akuerineqassappat nunaminertamik qinnuteqartoqassaaq, suliarineqarnissaanullu akimik aallertoqassalluni.

Aningaasaqarnermi kingunerisinnaasat:

Qinnuteqartumit aningaasat amerlassusissaat taggineqanngilaq, siunnersuulli akuerineqarpat akimik aallernikkut aningaasanut kingunissaat taggineqarsinnaalissaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititalianut ileqqoreqqusaq ulloq 25. Juni 2025-imeersoq

Suliamik isumaginninneq:

Teknikkikkut Ingerlatsivik

Inassuteqaat:

Najukkami Ataatsimiititaliaq siunnersuummut akuersissanerluni akuersissannginnerluni isummissaaq.

Ilanngussat:

Bilag 9 – Karl Petersen tummeqqiornissaq
 Bilag 10 – Karl Petersen tumm. Ilassut
 Bilag 11 – Kort Iliveqarfik

Aaliangerneq:

Najukkami Ataatsimiititaliamit akuerineqanngilaq, kisiannili susassaqartunut Teknikkikkut Ataatsimiititaliamut ingerlateqqinneqarnissaa amerlanerussuteqartunit aaliangerneqarpoq.

Sag nr.	Sammissaq	Bilag nr.	12-13
UPVNA 2026-03	Umiarsualivimmi qulliit	Journal nr.	01.03.49

Uteqqineq:

Sapusiami aammalu Kommuneq illuutaata B-29-ip eqqaani sakkortuumik qullersualiisoqassasoq siunnersuuteqartoqarpoq, kaperlattarnerani anorersuarterneranilu umiatsiaatilinnut qaammaqquteqannginnera ulorianarsinnaasarmat. Najukkami Ataatsimiititaliaq siunnersuummut isummissaaq, akuerineqarpat nunaminertamik qinnuteqartoqassaaq, nunaminertamut akuersissut tiguneqarpat sananeqarnissanut akimik aallertoqassaaq.

Suliap saqqummiunnera:

Upernaviup sissaani pingaartumik anorersuarternerani qulleq sakkortooq pisariaqartinneqartoq, siunnersuuteqartulli nunaminertamik sumiiffissaanik titarsinermi Sapusiami aamma Kommuneq illuutaata B-29-ip eqqaani qullilerfiusinnaasumik titarsivoq.

Iluarsiinissamut siunnersuut – sammisanut tunngatillugu nalilersuineq

Kaperlattartumi anorersuarterneranilu umiatsiaatillit qaammaqquteqavinneq ajorput, taamaammallu umiatsiaatilinnut ulorianarsinnaalluni. Kommuneq pilersaarutaani (Kommuneplan) malillugu havneområdetut allaqqavoq, kisiannili Kommune qaammaqqusersuisinnaalluni. Siunnersuut akuerineqassappat nunaminertamik qinnuteqartoqassaaq, suliarineqarnissaanullu akimik aallertoqassalluni.

Aningaasaqarnermi kingunerisinnaasat:

Qinnuteqartumit aningaasat amerlassusissaat tagginneqanngilaq, siunnersuulli akuerineqarpat akimik aallernikkut aningaasanut kingunissaat tagginneqarsinnaalissaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititalianut ileqqoreqqusaq ulloq 25. Juni 2025-imeersoq

Suliamik isumaginninneq:

Teknikkikkut Ingerlatsivik

Inassuteqaat:

Najukkami Ataatsimiititaliaq siunnersuummut akuersissanerluni akuersissannginnerluni isummissaaq.

Ilanngussat:

Bilag 12 – Anthon Kristiansen – Umiatsialivimmi qulliit

Bilagi 13 – Kort Sapusiaq

Aaliangerneq:

Najukkami Ataatsimiititaliamit akuerineqarpoq, kisiannili sanaartukkani Upernavimmi Sapusiaq ilaneqartussaammat qullersualertinnissaa ilanngussinnaanersoq periarfissamik misissuisoqarnissaat innersuuppaat.

Sag nr.	Sammissaq	Bilag nr.	14
UPVNA 2026-04	Nipilersortartunik avataaniik tikisitsinissamik	Journal nr.	01.03.49

Uteqqiineq:

Upernavimmi Inuiattut Ullorsiorinissamut atatillugu nipilersortartunik inuttakinnerusunik: “Muusi”, “Asimiut”, “Mathias Petersen”, “Peter Grønvold”, “Frederik Enoksen” aamma “Johanne Wille” tikisitsinissaaneq aammalu Ilulissani, Ummannami, Qaanaamilu Najukkami Ataatsimiititaliai bandinik anginerusunik: ”Enok Poulsen” imaluunniit “Disco Bay Blues”-ikkunnik tikisitseqqatigiissinnaanermi akileeqatigiissinnaaneq ingerlatseqatigiinnissamut periarfissanik soqutiginnippata nipilersortartitsinissaaneq siunnersuutigineqarpoq. Inuiattut Ullorsiorinissamut Najukkami Ataatsimiititaliaq kr. 100.000,00-inik immikkoortitsinikuuvoq, aningaasartuutit bandinut mikinerusunut bandillu angisuut tikisinnissaanut akileeqatigiittoqarsinnaappat aningaasaliissutit iluaniitsinneqassapput. Najukkami Ataatsimiititaliaq siunnersuummut isummissaaq.

Suliap saqqummiunnera:

Inuiattut ullorsiornermut atatillugu, nipilersornikkut pikialaartitsinissaaneq siunertaralugu. Matumuuna nunatsinni nipilersortartut nuannarineqarluartut ilaasa tikisinneqarnissaat siunnersuutigineqarpoq. Nipilersortartut ataasiakkaanik inuttaqartut, banditut amerlasuunik inuttaqanngitsut, tikisinnissaannut akikinnerusinnaasut uku siunnersuutigaakka:

- Muusi, Aasiaat immaqalu Asimiut (Moses Aasiaat & Edvard, Ilulissat)
- Mathias Petersen, Sisimiut
- Peter Grønvold, Nuuk
- Frederik Enoksen, Sisimiut
- Johanne Wille, Qeqertarsuaq

Nipilersortartut nuannarineqarluartut Enok Poulsen Band (sinerissami nipilersortarnermini suli Upernavimmi appisimaarnikuunngitsut) imaluunniit Disco Bay Blues, Avannaata Kommuniani Najukkami Ataatsimiititaliai (Ilulissat-Ummannaq- Qaanaaq) suleqatigiillutik aningaasaleeqatigiiffisinnasaannik. Taamatullu Upernavimmi nipilersortartut Peqatigiiffisa suleqatiginerisigut, innuttaasunut tamanut nuannarutissatut tikisinneqarnissaat.

Iluarsinissamut siunnersuut – sammisanut tunngatillugu nalilersuineq

Avataaniik nipilersortartunik tikisitsinissaq Inuiattut Ullorsiornermi assigiinngitsunut aqqissuussinissamut kr. 100.000,00-inik aningaasaliisoqareernikuuvoq. Tikisitsinissaq pillugu nipilersortartut “inuttakinnerusut” saaffigineqarnissaat aammalu nipilersortartut anginerusut tikisinnissaat pillugu Avannaata Kommuniani piffinni Najukkami Ataatsimiititaliai (Ilulissat-Ummannaq-Qaanaaq) aammalu akileeqatigiiffigisaannik ingerlatitseqqiisoqarsinnaavoq periarfissamut soqutiginninersut misissorasuarneratigut. Nipilersorfiusinnaasut Kommunemit pigereerneqartut atorluarnerisigut innuttaasunut pikialaartitsineri akeqanngitsumik aqqissuussineq ingerlanneqarsinnaavoq.

Aningaasaqarnermi kingunerisinnaasat:

Qinnuteqartumit aningaasat amerlassusissaat taggineqanngilaq, kisiannili ukioq 2026-imut aningaasaliissutit iluanniippoq, Inuiattut Ullorsiorinissamut aningaasat kr. 100.000,00 iluanniisooq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititalianut ileqqoreqqusaq ulloq 25. Juni 2025-imeersoq

Suliamik isumaginnineq:

Peqqinneq Sunngiffik Upernavik

Najukkami Ataatsimiititaliat: Qaanaaq, Uummannaq, Ilulissat

Piorsarsimassutsimut Atuartitaanermut Meeqqeriveqarnermullu Ingerlatsivik

Inassuteqaat:

Najukkami Ataatsimiititaliaq siunnersuummut akuersissanerluni akuersissannginnerluni isummissaaq.

Ilanngussat:

Bilag 14 – Lars Petersen – Nipilersort. tiki

Aaliangerneq:

Nipilersortartut mikinernik inuttalinnik tikisitsisinnaaneq sulissutigineqarnissaa akuersissutigineqarpoq.

Nipilersortartut anginernik inuttallit, aamma punkt UPVNA 2026-05-imi taaneqartoq nipilersortartoq Enok Poulsenip Upernavimmi Inuiattut ullorsiornissaanut aningaasaliissutit atorlugit tikisinniarnissaa Ilulissani, Qaanaami Uummannamilu Najukkami Ataatsimiititaliat akileeqatigiissinnaaneranut periarfissamik misissuisoqassasoq akuersissutigivaat.

Sag nr.	Sammisag	Bilag nr.	15
UPVNA 2026-05	Nipilersortartup Enok Poulsenip tikisinnissaa	Journal nr.	01.03.49

Uteqqineq:

Qaugu pisussanngorlugu ullulerneqanngitsumik nipilersortartup Enok Poulsenip Upernavimmi tusarnaartitsisimanngitsup Upernavimmut nipilersoriarluni tikisinnissaanut siunnersuuteqartoqarpoq. Taamaattorli Najukkami Ataatsimiititaliaq siunnersuummut isummissaaq, Najukkami Ataatsimiititaliamit ukioq 2026-imut aningaasanik agguataarineranni Inuiattut Ullorsiornissamut kr. 100.000,00-inut illikartitsisimaneranni nipilersortartumik tikisitsisinnaaneq aningaasalissutit iluaniimmat.

Suliap saqqummiunnera:

Nipilersortartuq Enok Poulsen suli Upernavimmi nipilersornikuunngitsoq tikisinneqarnissaa nuannerunartinneqarpoq.

Iluarsinissamut siunnersuut – sammisanut tunngatillugu nalilersuineq

Siunnersuut punkt siuliani UPVNA 2026-04-imisut siunnersuuteqartoqarpoq, taamatulli nipilersortartup Enok Poulsenip tikisinnissaanut siunnersuuteqartoqarmat. Siunnersuuteqartumit qaugu tikisitsisinnaaneq taaneqarsimanngilaq. Taamaattorli Najukkami Ataatsimiititaliap aningaasanik agguataarineranni Inuiattut Ullorsiornissamut kr. 100.000,00 illikartinneqarsimasut nipilersortartumik tikisitsisinnaaneranut tunngammata aningaasalerneqarsinnaavoq.

Aningaasaqarnermi kingunerisinnaasat:

Siunnersuuteqartumit aningaasat amerlassusissaat tagginneqanngilaq, ukioq 2026-imut aningaasaliissutit iluanniippoq, Inuiattut Ullorsiornissamut aningaasat kr. 100.000,00 illikartinneqarsimasut nipilersortartumik tikisitsisinnaanermut tunngasut aningaasartuutigineqarsinnaapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititalianut ileqqoreqqusaq ulloq 25. Juni 2025-imeersoq

Suliamik isumaginninneq:

Peqqinneq Sunngiffik

Inassuteqaat:

Najukkami Ataatsimiititaliaq siunnersuummut akuersissanerluni akuersissannginnerluni isummissaaq.

Ilanngussat:

Bilag 15 – Enok Poulsen tikisinnissaa – Johanne Kronholm

Aaliangerneq:

Akuerineqarpoq, punkt UPVNA 2026-04-imi taaneqartoq nipilersortartuq Enok Poulsenip Upernavimmi Inuiattut ullorsiornissaanut aningaasaliissutit atorlugit tikisinniarnissaa Ilulissani, Qaanaami Uummannamilu Najukkami Ataatsimiititaliat akilee qatigiissinnaaneranut periarfissamik misissuisoqassasoq akuersissutigivaat.

Sag nr.	Sammissaq	Bilag nr.	16
UPVNA 2026-06	Nunaqqatigiittut susassareqatigiinnerup ukiua	Journal nr.	01.03.49

Uteqqineq:

Upernavimmi innuttaasut imminnut susassareqatigiinnerisanukittorsarnissaat siunerartaralugu, matumuuna siunnersuutigineqarpoq. Ukioq 2026 nunaqqatigiittut susassareqatigiinnerup ukiuanik taallugu, innuttaasunik tamanit peqataaffigineqartut aqqissuuserit ingerlanneqartarnissaat. Aqqissuuserit pisortaqarfiit akimorlugit Peqatigiiffiillu suleqatiginerisut Peqqinneq Sunngiffimmit ataqatigiissarneqartumik aningaasaliiffigineqartumillu “*Nunaqqatigiittut susassareqatigiinnerup ukiua*” nappaatit pillugit ilisimasaqarneruleneq, oqallitsitsinerit assigiinngitsunik qulequtallit ingerlanneqarsinnaavoq, pikialaartitsinikkut aammalu timersornerup qaffassarneqarneratigut.

Suliap saqqummiunnera:

Upernavimmi innuttaasut imminnut susassareqatigiinnerisanukittorsarnissaat siunerartaralugu, matumuuna siunnersuutigineqarpoq. Ukioq 2026 nunaqqatigiittut susassareqatigiinnerup ukiuanik taallugu, innuttaasunik tamanit peqataaffigineqartut aqqissuuserit ingerlanneqartarnissaat. Aqqissuuserit makkuusinnaapput:

- Aqqissuussat suusinnaasulluunniit, Meeqqeriviit, Atuarfik, Klubbit, Kollegiet, Utoqqaat Illuat, Utoqqaat peqatigiiffiat illoqarfimmilu utoqqaat, siusinaartumik sulisinnaajunnaarnersiutillit inuusuttullu qulequttamut tunngatillugu peqatigiillutik aqqissuussat.
- Nappaatinut soorlu: sukkorneq, eqqarsartaatsikkut nappaatit, qaratsakkut aanaartoornerit/milikartoornerit, gigtit, assigiinngitsut, nappaatillu allat ullutsinni atugaasut pillugit. Peqqinnissaqarfik peqatigalugu innuttaasunut qaammarsaarnert.
- Aqqissuussat kulturikkut pikialaartitsinerit, ukiut tamaasa ingerlanneqartalernissaasa (nipilersornikkut pikialaartitsineq, sanaluttartut, aalisartut/piniartut peqatigiiffii peqatigalugit aqqissuussat, soorlu: qaannamik unammisitsinerit, iporsuutsitsinerit, puiseqqaanniutsitsinerit il. Il.) Havnefest il. Il.
- Timersortartut peqatigiiffii peqatigalugit, aqqissuussat peqqinnarnerusumik inuuneqarnissamik, ataatsimoornermillu kinguneqartitsisinnaasut.
- Nunaqqatigiittut ataqatigiittumik inuuneqatigiinnissaq siunertaralugu, innuttaasunik oqallitsitsinerit. Qulequttat soorlu: Sinnganeq, uumissuineq, mamarliineq, terlisiuineq qanoq ililluta ataatsimoorluta pinaveersaartitsigit.

Iluarsinissamut siunnersuut – sammisanut tunngatillugu nalilersuineq

Pisortaqarfiit akimorlugit Peqatigiiffiit suleqatiginerisigut Peqqinneq Sunngiffimmit ataqatigiissarneqarnerisigut aqqissuuserit pisinnaapput. Upernavimmi susassareqatigiinnerusinnaaneq aqqissuussat imminnut ataqatigiitsinnerini pinaveersaartitsinerit assigiinngitsut nappaatinullu tunngatillugu ilisimasaqarnerunissamik aammalu timersorneruleneq assersuutigalugu AALASA tunuliaqutineqarsinnaanera taamatuttaarlutik oqallinnerit assigiinngitsut amingaataammata ukiup ingerlaneri agguataarnerisigut ingerlanneqartarsinnaapput.

Aningaasaqarnermi kingunerisinnaasat:

Peqqinneq Sunngiffiup suliassaqarfiisa iluaniimmata aningaasartuutit ingerlatsivimmit aningaasartuutigineqassapput. Najukkami Ataatsimiititaliamit aningaasartuutigineqassaaq Inuiattut Ullorsiornissamut tunngatillugu kr. 100.000,00-iusup nipilersortunik tikisitsinerup saniatigut iluaniissalluni.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq
- Avannaata Kommuniani Najukkami Ataatsimiititalianut ileqqoreqqusaq ulloq 25. Juni 2025-imeersaq

Suliamik isumaginninneq:

Peqqinneq Sunngiffik

Inassuteqaat:

Akuerineqarnissaa inassutigineqarpoq.

Ilanngussat:

Bilag 16 – Susassareqatigiinneq - Lars Petersen

Aaliangerneq:

Akuerineqarpoq.

Ataatsimiinneq naavoq nal.: 14. 10

Atsiorfissaq:

Lars Petersen, Siulittaasoq

Pele Kleemann, Siulittaasup tullia

Hartmann Heilmann, ilaasortaq

Julie Karlsen, ilaasortaq

Ane Marie Havmøller-Jørgensen,
ilaasortaq